



中環人語



何家大衛、差利輪庄

**胡** 仙有破產案在身，官判  
他手上星島股權賣不  
得。何伯個乖孫差利·何柱國似  
乎立定決心要破他產，老虎女今



差利·何柱國有個一段嘍溫哥華磨練之日，故此作風硬朗強悍。唔怪之得老虎女有難啦！

趙遇到個強悍對手矣。  
差利呢個硬朗作風可能同佢  
之磨練有關。當初何伯係搵差  
利打理錢銀者，原先幫阿爺揸數  
者係差利個細佬大衛·何定國。

當其時大衛娶咗馮景禧個乖女為  
妻，何伯對呢門親事好滿意，覺  
得門當戶對，大衛由是甚得到阿  
爺歡心。咁嘅環境，差利雖然身  
為大佬，亦唯有到溫哥華磨練、  
磨練矣。

及後，大衛同馮小姐仝離，  
阿爺梗係唔多老嘍啦。於是何伯  
將注意力轉移到大佬差利身上，  
最後召佢回朝返香港搵弗。於是  
輪到細佬大衛到溫哥華磨練、磨  
練。何伯買咗間百事可樂廠俾佢  
打散，論風光當然唔及香港。大  
衛會唔會有朝一日重掌江山？  
睇怕要同佢占番支姻緣卦至知  
啦。

新時代雄霸加拿大

**講** 開馮景禧，佢位大公子譚  
馬士·馮永發，嚟加拿大  
開枝散葉，佢間新時代公司手執  
加拿大中文電視及電台之牛耳。  
根據當地市場調查公司  
A.C. Nielsen 作之調查所得，現今  
有九成加拿大中國人睇佢之電



馮永發之電視、  
電台，贏得九成  
加拿大華人觀眾，  
可喜可賀。

視、聽佢之電台。滲透率之高，  
連當地之《星島》、《明報》亦有  
得揮。認真可喜可賀。

快速驗DNA殺到

**終** 審庭居港權判決一出，  
花旗DNA高科技化驗  
公司之吳醫生即刻收到。佢第一  
時間登門求見同門師妹保安局阿  
頭葉太，提供佢哋公司快速檢驗  
遺傳基因之服務。

姑勿論是否優其有米粥，吳  
醫生反應之快，肯定勁過四大護  
法矣。唔使層層審批，梗係快  
啦。市場運作始終勝過計劃經  
濟，冇得講。

本週賀年咭

麟麟麟 幼麟  
麟麟麟 祝願佢  
麟麟麟 1999年  
麟麟麟 爬出深淵啦！  
麟麟麟 飛天豬  
麟麟麟 真係係  
麟麟麟 真係係

**飛** 天豬大衛·朱幼麟間華德  
則持好哲學態度睇呢單嘢。佢  
用電腦設計咗張賀年咭，運用立  
法會議員之權力，免付郵費，寄  
發俾各方友好。咭之內文曰：

如果無失去，怎會有擁有？  
如果無煩惱，怎會有快樂？  
如果無分離，怎會有團圓？  
如果無失敗，怎會有成功？  
如果無1998，怎會有1999？



以佢老哥之處境，調轉頭嚟  
講可能仲啱：如果無擁有，怎會  
有失去？總之順變啦！

